

本州匪纂
上

序

孝感屠君變臣為民丁巳同年先後研
系中載訂金石交氣稱義遂為人聰明
特達仁惠愛人詩古文詞亦善及有
門生鑑洪孝而尤粹於醫學安臨
診悉宗內經神明變化一時名公卿多
引重之乃其科名謬謬揆策以遊且

臨每徧天下寵後筆仕汝南補靖州縣
縣宰新到筆迹遍訪祀都市與和陳契
要本活人之術行之甚良無而通市
良吏年七十五反亦卒

新典試粵東堂後通聖少欽之並故因
出示所纂本字狀付梓囑承序承細
閱全考盡係採孔歷代名名家摘其精

要為性宜忌安目瞭然博史家置一
編即不出此晚之六皆出所從違決不
至為庸妄所誤有功於世可闡此心如
夫士君子心存此道望必片之一途如
見之強顏偉抱一旦得此藉手何難躋
一丘市和乎而乃久富強鼓將思出中
此餘以嘉惠天下後世其居心仁厚

為何如乎轉盼未幾仁心撫以仁政生孝
孝愛民之念不亦可掬乎集而覲兄一語聊
陽進士出方

誥授通奉大夫大理府正卿老宗院吏科給事
中食場坐糧廩年久弗賀妻慈母族

前序

道光丁未夏復上春明考教習不售科名
念隳即潛心岐黃之學首讀靈素內經越
人難經次及張仲景劉河間李東垣朱丹
溪四大家書然後博考名賢旁搜廣集尋
端繹理往復沈吟非僅誦說已也嗣是研

求脈訣探源元素東垣念義期叔瀕湖諸
書而悉折衷於靈素言言推究字字揣摩
體會數年始於四言之訣二十八法之微
豁然胸中瞭然指下矣至於本草林立互
為考求某藥入某經某藥治某病某體於
某藥為宜某體遇某藥則忌手自纂抄彙

成一卷。蓋亦如學士溫經平素運化胸中
作文時。乃供驅遣用藥。如用兵可輕心以
掉哉。夫讀書不多則見聞終陋。察脈不審
則病源難知。本草不詳則製方鮮當。予惟
殫心攻苦枕籍多年。而後熟通經絡洞悉
臟腑。望聞問切體驗周詳。今雖不敢概期

本草綱目
桴應而寒熱虛實似不至臨證茫然乃嘆
醫道關人性命投治稍差禍慘利刃有志
斯道者未易率爾操觚也

咸豐元年歲次辛亥湖北孝感縣屠道和
變臣氏識於京師旅館

後序

予自習醫後知葯性宜熟腹笥宜充爰取
各名家醫書檢本草五百餘種校正纂抄
功方及半道光庚戌夏攜入都門朝夕續
纂咸豐辛亥秋始竣事凡三厯寒暑矣京
師友人見而善之欲為付刊予時歉其未

備也。尤慮稍有錯訛，貽誤後世，負咎滋深。
辭未遂，後官楚南，案牘勞形，弗遑兼及。同
治癸亥歲，自念年逾六旬，此後精神恐難
振作，復輯前所未備各書，參互考訂，越五
月而功成。簡括詳明，查閱最易，且諸書皆
備無俟旁求。倘家有是書，則延醫時須察

方中藥性果與病有情方能奏效並於藥
性宜忌逐一詳明縱病家不盡知醫偶遇
庸工料不至聽其妄用私心竊計似屬有
功當時惟望海內

大君子宅心仁愛念切痼癰推澤遐荒廣
為刊布起羣生之札癘而胥渡以慈航匪

本草綱目
獨姓字馨香增光竹帛而活人濟世之心
猶且令千載下頌無量功德佛於勿護其
視刊送他書者不尤為大有實際與

同治二年屠道和變臣氏再識於長沙省
湖北會館之西園

凡例八則

一此書係採核圖經本經唐本別錄李珣孟詵元素大明吳普甄權開寶藏器李景蘇頌弘景東垣張璐丹溪汪昂李士材張景岳楊士瀛程履新何本立李時珍凡二十餘種輯其精要簡括詳明俾考核藥性者咸知眾美胥該此外更無遺義不必他求

一本草唯綱目最詳然皆集腋成裘故其中不免前後重複上下錯綜予乃編集成章從頭目心胸以至足跗由婦人童穉以及外科各從其類俾閱者醒目一見瞭然

一本草林立其中所稱或寒溫迥別或補瀉不齊或甘辛互異予皆集各名家書纂核數載詳細研求取其眾論相同折衷至正庶令閱者知所宗主不至見惑騎牆

一藥性有係清降而偏言補陰者以熱除而陰自得所長也有係疏通而偏言補氣者以滯去而氣自得所生也諸如此類悉註明條下俾學者開卷釋然不至重生疑慮

一醫乃仁術茲已採輯藥性五百餘種洵足供用至於天靈蓋紫河車之類似有言之不忍者故集中概置弗錄且歷代續增藥品繁多不下千種若必備載誠恐業醫者未必皆具過人聰明悉能詳記與其繁而難紀不若簡而易詳因擇其緊要者輯之俾學人易於熟識在精不在多識者鑒之

一醫貴通儒藥性卽屬經史倘有是病而無是藥何能中其款要故製方者必須腹笥淵博方能取用不竭應手奏功尤須經絡熟通而後能直達病所不至誤繞歧徑坐失機宜卽如上焦有

熱而猥用下焦寒藥則過而不留矣下焦有熱而妄用上焦寒藥則浮而不達矣其用熱藥亦如之更有用熱遠熱用寒遠寒之義均宜恪遵內經酌用神明變化存乎其人是在司命者博而益精耳

一 儒不知醫固非通材醫不通儒難言司命靈素內經卽四書大字也張仲景書卽朱註也宜與秦越人難經熟讀詳記劉河間李東垣朱丹溪卽文章之大家也其餘王叔和孫思邈王肯堂成無己王潔古吳鶴皋薛立齋李期叔張子和戴元禮喻嘉言李士材傅青主程履新李時珍張景岳此外尤指不勝屈皆名家也至於病分內傷外感卽題目也望聞問切卽構思也立方卽作文也藥性卽經史也必有五百餘種熟於胸中方足供我

驅遣譬諸作文有出方有對也學者其可僅記大略而潦草塞責以忽視人命哉

一藥宜功過兼詳所謂功者藥必於病有情而後能奏效所謂過者某病於某藥不宜某藥於某體當衆必於立方時知所避忌而後不至傷人此編所纂悉詳明宜忌俾業醫者得是書而可以濟世亦病家有是書而不至誤於庸醫尤願業醫者均念人命至重竭力精詳是則余救世之苦心所深企望也夫